



Pou Piblikasyon Imedya: 21/04/2023

GOUVÈNÈ KATHY HOCHUL

GOUVÈNÈ HOCHUL ANONSE TRANSPÒ PASAJE NAN METWO A DEPASE 4 MILYON PASAJE NAN YON SÈL JOU

Metwo yo pote plis pase 4 milyon pasaje peye pou premye fwa depi 12 mas 2020

OMNY Taps metwo a te bat rekò nan yon sèl jou avèk 1.69 milyon kat ki pase

Metro-North Railroad bat rekò mwayèn nan kantite pasaje pandan twa jou

Gouvènè Hochul te anonse jodi a Metwo Vil New York la te anrejistre 4,002,961 vwayaj peye nan jedi 20 avril. Dènye fwa metwo yo te pote plis pase 4 milyon pasaje se te 12 mas 2020, lè 4.1 milyon Nouyòkè te pran tren an. OMNY, sistèm peman tarif san kontak Otorite a, te bat yon rekò metwo nan yon sèl jou tou avèk 1,699,914 kat yo pase, ki reprezante 42.5 pousan tout vwayaj peye yo.

"MTA a se fòs vital vil sa a, epi Eta New York te fè gwo investisman nan metwo nou yo pou amelyore eksperyans pasaje yo", **Gouvènè Hochul te declare**, "Depase kat milyon pasaje pou premye fwa depi lè pandemi an te kòmanse se yon temwayaj rezistans Nouyòkè yo ak enpòtans lè nou sipòte pi gwo sistèm transpò piblik nan peyi nou an".

Prezidan ak Direktè Egzekitif Jeneral MTA, Janno Lieber, te deklare, "Mwen rekonesan anvè Gouvènè nou an k ap dirije efò a pou finanse transpò piblik pou nou ka kontinye bay sèvis ki an sekirite, fyab ak frekan pou tout Nouyòkè yo. Nan mitan pandemi an, transpò pasaje te tonbe nan 90 pousan, men nou te kenbe sistèm nan byen fonksyonèl pou asire travayè esansyèl yo ka ale nan lopital, famasi, makèt ak sant distribisyon yo. Rekò sa a se yon temwayaj rezistans Nouyòkè yo epi se yon rapèl ke transpò piblik se eleman vital vil sa a".

Prezidan Transpò Komen Vil New York la, Richard Davey, te deklare, "Bat rekò nan transpò pasaje chak semèn se yon bagay mwen ka abitye ak li epi se yon vòt konfyans nan sistèm metwo a. Pou kenbe elan sa a ap kontinye, Transpò Vil New York (New York City Transit) pral amelyore satisfaksyon kliyan nenpòt lè sa posib. Swa se pwojè pilòt sou limit tarif OMNY, nouvo sant sèvis kliyan yo nan estasyon yo, n ap chèche regilyèman mwayen pou nou bay sèvis ki pi rapid, pwòp ak pi sekirite".

Metro-North Railroad te atenn yon nouvo rekò nan transpò pasaje an mwayèn pandan twa jou (jedi rive vandredi) nan somè epòk COVID ki se 193,111 oswa 73.5 pousan konparezon transpò pasaje kòm baz referans pa rapò ak fevriye 2020. Sa te rive apre Metro-North te bat yon rekò nan transpò pasaje chak jou pandan epòk pandemi an nan mèkredi 19 avril avèk 195,086 pasaje oswa 74 pousan mwayèn anvan pandemi an.

Long Island Rail Road (LIRR) te depase 200,000 pasaje nan 16 jou depi 27 fevriye, dat ke Grand Central Madison te ouvri pou sèvis konplè, yon limit ke chemennfè a te sèlman travèse de fwa pandan premye 57 jou nan ane 2023. Pandan sèt jou ant 9 avril ak 15 avril, LIRR te pote yon mwayèn 168,726 kliyan chak jou, pi bon mwayèn sou sèt jou depi mas 2020.

Prezidan Metro-North ak Prezidan Pwovizwa Long Island Rail Road Ian, Catherine Rinaldi, te deklare, "Kèlkeswa kote w ap vwayaje nan rejyon sèvis Metro-North ak LIRR, ray tren banlye yo se opsyon ki pi konvenab, sitou avèk ouvèti Grand Central Madison. Kliyan yo kapab itilize aplikasyon konplè TrainTime pou achte tikè, planifye vwayaj, wè kapasite tren yo, epi swiv tren pou tou de chemennfè banlye yo".

Kwasans Kontinyèl OMNY

OMNY kontinye ap grandi nan pati mache pami kliyan Transpò Vil Nouyòk yo, ak premye yon milyon jounen kat yo atenn nan mwa avril 2022 a. MTA te rive nan etap 500 milyon kat OMNY total an septanm 2022 lè yon kliyan te pase kat li nan Grand Central Terminal la. Kounye a, OMNY trete kat yo emèt nan 192 sou 195 peyi ki emèt kat bankè.

Kounye a, kliyan OMNY yo se prèske mwayèn nan tout pasaje metwo yo, avèk yon pati nan mache a ki se 42.5 pousan nan vwayaj peye yo. Prèske 100 pousan nan tout tranzaksyon OMNY yo fèt sou pwòp aparèy oswa kat pèsonèl kliyan yo, sa ki fè MTA a inik pami sistèm transpò Ameriken Dinò yo.

An [oktòb](#), OMNY te lanse pou kliyan ki gen Tarif Redui, ki kounye a kapab chanje soti nan MetroCard pou vwayaje ak aparèy pèsonèl yo oswa kat san kontak yo. Kliyan ki gen tarif redui yo ka fè chanjman soti nan MetroCard pou pase nan OMNY sou entènèt ki byen transparan avèk asistan dijital OMNY an ki disponib 24/7 nan [OMNY.info](#).

##

Lèt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)